

四庫全書

史部

欽定四庫全書

史部

硃批諭旨卷二百十八下

詳校官尚書臣德保

編修臣張謙履勛

總校官中書臣朱鈐

校對官助教臣蔡鎮

謄錄監生臣胡曉春

欽定四庫全書

硃批諭旨卷二百十八下

硃批黃廷桂奏摺

雍正七年正月初八日四川提督臣黃廷桂謹

奏為分剿逆蠻仰仗

天威擒獲賊首恭報大捷事竊臣於雍正六年十一月

內派遣官兵進攻阿都之阿不羅曾經繕摺

奏明隨於十一月十四十五等日各路官兵先後會

合拖脚底

臣

當即分兵二千名交肅州鎮

臣

王剛

督令攻打阿不羅

臣

駐劄拖脚底總口為之聲援

策應嗣於本月二十三日准鎮

臣

王剛咨稱已將

阿不羅攻開連日嚴搜其拉金阿必加樂覺過等

犯并無蹤跡等因到

臣

思賊蠻姦狡異常或聞

大兵進攻阿不羅諸犯仍復各返故穴藏匿亦未

可定且詢據阿都土目聚姑供稱阿都番部悉皆

害怕俱情願出降等語

臣

隨將王剛檄撤回營派



兵二千名交建昌鎮臣趙儒統率駐阿都之布特

地方乘機招撫諸苗併設法誘擒阿必別哺加樂

二犯臣更派遣官兵一千二百名飭遊擊沈國卿

帶領前赴拖科誘擒賊首覺過併招撫餘苗以分

其勢臣與王剛帶兵於十一月二十七日撤至紐

姑適中之地駐劄應援隨於十二月初八日准鎮

臣趙儒咨稱於十二月初一初二等日將各枝遠

近蠻人招撫俱赴本鎮行營投見本鎮面加開導

衆夷省悟感激打狗鑽皮盟誓嗣後不敢滋事情  
願尋獻阿必別哺加樂本鎮復加曉諭各夷歡欣  
分頭去訖於本月初六初七等日果將阿必別哺  
加樂并阿必之子迫脇來營本鎮訊明確實立即  
擒縛於初八日專差押解等因到臣而趙儒亦於  
是日撤赴臣營臣等隨於次日欽遵

諭旨齊赴阿驢拖科適中處所與鶴麗鎮臣張耀祖及  
叅將哈元生公同會議併將所獲阿必等犯交明

張耀祖收禁訖而賊首覺過終負固遁匿不出

臣

議留王剛駐劄拖科督兵嚴拏務期必獲

臣

於十

二月二十三日同趙儒仍回紐姑彈壓新附一帶

番猺茲於本年正月初六日准鎮

臣

王剛咨稱本

鎮督勵官兵晝夜窮搜於正月初五日將賊首覺

過圍住兇番仍敢拒捕被官兵奮勇向前擊斬蠻

賊子弟二人立將覺過砍倒擒縛因受傷甚重隨

於次日殞命應即梟首解報等因到

臣

查野蠻

頑梗跳梁仰賴

天威遠臨渠魁次第就縛其阿都無辜餘苗臣等宣布  
皇仁已皆安插惟拖科覺過被獲伏辜地方乏人管理

臣等會商飭委沙罵土司安偉威就近管轄所有  
前奏阿驢土目之母起意偷刦哈元生行營摺內未見  
分勦阿驢等逆一案軍務已竣但查建昌沿邊要  
聲明何也

監經督臣岳鍾琪於仰仗

天威案內奏請安設營汛防範周密惟西溪地方東連  
利呢南距披砂路通阿都番蠻出沒不常止有建

西溪果屬要隘即增至二百名仍恐不敷控制臣等會  
昌左營兵丁七十名駐防似覺不足控制臣等會

如是汝等再加斟酌

商於建昌鎮標左營抽撥兵丁一百三十名共足

二百名即令左營守備帶領添防西溪暫資彈壓

其餘鎮協漢土官兵俱於正月初十日分撤回汛

臣亦於是日起營回署除移咨督臣岳鍾琪具

題外合先一併繕摺奏

聞伏祈

聖鑒謹

欽定四庫全書

硃批諭旨

卷二百十八下

四

奏

此番底定之功仰荷

上天垂庇

聖祖錫祐兼賴汝等提鎮大臣及將弁兵丁胥能效忠奮  
勇之所致也朕深為嘉悅具題到日有旨

同日又

奏為敬陳苗疆地方情形仰祈

睿鑒事竊

臣荷蒙

皇上天恩委以軍旅重任凡係攻山克洞進剿經由之

地近則相度形勢

臣

必親勵官兵遠則遣將先行

臣

即尾後策應所有一切道里險塞苗情悍惡

臣

既得諸目擊復查詢確切謹據實縷書恭陳

天聽查黃螂貼近內地介在石角雷波之間金江環遶  
儼然要衝過此則箐口雷波即惡司楊明義住牧  
之所也襟山帶河頗據形勢與米貼井底吞都數  
處僅隔一江夷類往往越江連姻故江外有事而

江內煽動不無蔽姦匿叛之弊由千萬貫以下至  
谷堆天喜哈都魯魚紅一帶皆雷波部夷阿照巢  
穴地廣蠻稠四圍層山密箐茫無涯際其右則遙  
通馬邊營汛接壤大赤口諸夷其左則相連陸氏  
隔江管轄之噶哈百足惟結覺僻處一方山勢奇  
險乃涼山第一奧區緊靠沙罵界連平抵而阿路  
阿蘇密波諸蠻復與阿照犬牙錯處直達竹核臣  
於竹核週覽形勢遍詢土蠻始知竹核距建昌尚



有三百餘里東通沙罵膩乃東南通拖科拖脚罵  
黑西南通覺呢阿都阿乃披砂一帶西通阿史利  
厄河東河西北通普雄上下沈渣老虎各種夷類  
萬番出沒誠係四通之區及進抵阿都其地廣濶  
約計方圓二千餘里族屬繁衍畜牧蕃庶遠勝諸  
苗故涼山部落最強首稱阿都次乃阿照沙罵阿  
史沈渣利厄餘不過瓜分派別之枝葉也然種類  
雖雜其飲食服物性情好尚亦各約畧相同總緣

棲止山窟從古未沾聲教以苦麤為食以羶衫為  
衣垢面蓬頭不類人形且滾箐爬崖是其長技出  
入必佩刀自衛一語不合一事反目即兩相刼殺  
非蠻婦從中解忿仇復終無了期未嘗不刀耕火  
種墾田食力苟偷盜綁掠有利可圖不難一呼齊  
集挺刃爭先其土官與黑骨頭等名雖主僕實各  
司其人互相雄長又同坐共食毫無上下之分平  
居似屬漠然一遇土官有事則必糾合姻婭攢議

幫兵復打狗鑽皮滴血聚飲名曰齊心酒一時恣  
觀其同類齊心糾合事後尚不相顧則前此面對趙儒  
意跳梁無所忌憚及事後始知畏懼仍各不相顧  
之盟誓尤不足信矣  
至若懷姦挾詐反覆無常兵進則鼠竄兵退則鴟

張尤屬狂誕臣受

恩深重職任邊疆經歷涼山目擊番情蠢悍措置匪易  
敢不時刻留心詳求其可以轉移之機徐議夫整  
飭化導之方蓋苗雖冥頑亦因隔絕漢境不聞禮  
義不知法令若究其本心未有不願趨吉避凶轉

禍為福者今雷波阿都等逆踵行恣肆仰賴

宸謨指示渠魁悉皆就縛無辜得以安插其出窟投降

苗民

臣

每親身接見開誠誨諭則經此一番懲創

之後自爾知所鑒戒稍斂邪心再勘明沿邊衝要

重地設營控制防其蠢動撫綏得人駕馭有方縱

其鼠竊狗偷未能驟期禁絕而日漸月摩久自相

安於無事但一切善後事宜關係重大

臣

知識短

淺何敢冒昧輕率容

臣

熟思集議悉心籌畫更與

督<sub>臣</sub>岳鍾琪撫<sub>臣</sub>憲德會商酌定再為請

旨遵行理合先將地方情形繕摺奏

聞伏祈

皇上睿鑒謹

奏

番俗苗情歷歷如繪絲毫無隱朕甚嘉之惟善後一著最為要務殫心竭力共相籌酌必得良策庶冀永寧

雍正七年二月二十四日四川提督<sub>臣</sub>黃廷桂謹

奏為奏

聞事竊<sup>臣</sup>前自紐姑撤兵回署於正月十四日途次准

督<sup>臣</sup>岳鍾琪咨開奉

上諭據岳鍾琪奏稱達賴喇嘛自藏起程明年二月初  
可至裏塘此地原有喇嘛寺院可以居住其防護之  
官兵今議派重慶鎮臣任國榮前赴裏塘統領即將  
四川進藏凱旋馬步兵丁內挑選二千名并酌留員  
弁駐劄等語著照岳鍾琪所請令任國榮前往帶領

進藏兵丁二千名暫駐裏塘防護將來如何酌量派  
換再暫駐之弁兵等天寒路遠效力勤勞應加賞賚  
以示軫念著岳鍾琪一併分別定議具奏達賴喇嘛  
初至裏塘凡藏內所有什物未能即到其初來之供  
給著預為辦理支給任國榮既往裏塘駐劄其重慶  
總兵印務甚屬緊要著岳鍾琪委員署理欽此等因  
到臣伏查川省原派進藏兵丁四千名內除駐藏  
兵丁一千名沿途安站兵丁五百名派赴巴塘進

勦賊番兵丁四百名外惟餘駐劄類伍齊撤回之

兵丁二千名應交鎮臣任國榮統率前赴裏塘遵

旨駐劄防護但查龍安營叅將李棟報稱遊擊常力

行帶官兵七百九十員名於十一月二十八日自

類伍齊先行卑職續於二十九日帶領官兵共一

千二百三十七員名起程由霍耳甘孜一路回川

等情臣彼時計程扣算撤回兵丁已將入口若任

其回汛另行酌派不但製辦行李購買馱載糜費



殊多且川省鎮協營路距省寫遠一經派調兵丁  
勢必按汛分撥動需累月始可齊集曠日經時緩  
不及待不便更派隨專員持令沿途先行止兵臣  
復兼程繼進節次路遇撤回兵丁已至黎雅邛州  
一帶當經逐處傳集宣布

聖心矜恤

賞賚優渥至再至三并曉以暫駐裏塘緣由而標鎮協  
營兵丁無不歡欣踴躍願往報效更專差飛催重

慶鎮

臣

任國榮統領前往俱經咨明督臣在案惟

是入口兵丁往返將及一載途間風雨無時

臣目

擊所帶帳房悉皆損壞隨飭令

臣

標中軍叅將張

聖學備辦帳四百頂及火藥鉛彈等項齊全已雇

寬馱載委員解送軍前分散各兵以資駐劄理合

將官兵歡欣願往及

臣

辦理情由一併繕摺

奏明伏祈

聖鑒謹

奏

辦理妥協殊屬可嘉但念官兵甫從西藏遠歸若令久駐裏塘朕心深為不忍作何派調更換之處與督臣岳鍾琪商定請旨遵行此際雖云暫戍一切需用之資從優賞給務須充裕以慰朕體恤將士之意少有欠缺致令拮据責歸於汝也

雍正七年四月十一日四川提督

臣

黃廷桂四川

巡撫

臣

憲德謹

奏為奏明事雍正七年四月初九日據夔州協副將杜蔚報稱據駐防建始縣把總劉朝龍呈具報狀向懷明向仲貴等報為族惡私受夷職不遵

國法闔族公報事蟻等係後里五花寨民自始祖以來未有不遵法律今陡出惡棍向仲乾向仲明向仲試家富萬金賄通土司寫立私結幹授官職領訖在家勢膽包天與容美土司往往私議蟻若隱匿不報恐連累族人遭害等語據此隨追取委劄

三張相應呈齎復據夔州府知府周彬稟稱去年十二月內聞得卑府屬之建始縣邊界地方有容美土司差土遊擊一員帶領土人至該縣交界地方徵收銀兩卑府隨即呈差密查去後茲據去差回稱小的等蒙差密查容美土司之事到彼未見其人但查得建始縣與容美土司交界處所有粟穀壩馬水河安樂井等處地方俱係建民居住每戶納該土司銀二三錢以至七八錢不等名為春

花二絲每年該土司差人按戶徵收居民如不上納即遭凌虐等語相應稟明又據巫山營遊擊趙大貴稟稱據中軍守備李世忠稟據防汛兵目報稱十一月內有容美司差副爺黃大方竝千把等騎騾馬四隻共帶十人強過塘汛小的等阻留逐回伊等揚言俱是他的地方到彼百姓人家收絲花各村民戶敢怒而不敢言理合具報等情隨飭行守備李世忠轉行專汛把總劉朝龍密查去後

茲據該弁回稱十一月內土差十人帶有驟馬四隻來收絲花副爺牛把是土司給有土目委牌塘汛不敢擅放當經逐回等情前來理合具稟等因到<sub>臣</sub>等該<sub>臣</sub>等細閱劄票語多狂肆且濫假名器任意妄為查向仲乾等係川東民人容美係湖北土司隔省私相授受夷職均干法律況該土司仰沐

皇恩深重分宜謹飭安靜何得越界苛斂騷擾居民種

種多事中懷叵測

臣

等再四商酌蓋緣容美土司

田旻如為人狡猾富強甲於諸夷既經追取所委

夷劉諒必自有聞知

臣

等若即咨明湖北督撫提

臣查究併拘拏向仲乾等審訊或恐容美土司疑

畏由此激生事端未便冒昧根究

臣

等不敢隱蔽

除密寄知督

臣

岳鍾琪外理合據實奏

聞伏祈

聖恩訓示遵行謹



奏

楚蜀各土司中惟容美最為富強緣自前明官吏玩愒弛縱遂致越分僭禮相沿成習迄今尚未改也地方大吏應曉以大義漸令革除若據濫給委牌科斂絲花等款即坐以狂悖之罪似屬太過已密諭楚督邁柱令其嚴飭田畧如矣汝等慮其疑畏不遽根究之意甚是

四川提督

臣

黃廷桂謹

奏為密奏事竊照駐藏鑾儀使

臣

周瑛抵藏之後竟

於川省兵丁隊中擇其能唱亂彈者攢湊成班各  
令分任脚色以歲布製造戲衣不時粧扮歌唱以  
供笑樂甚失軍容且與副都統臣邁祿意見不睦

時有爭執以致

臣

標後營遊擊馬良柱無所凜畏

專事迎合而該將駐劄處所容留蠻娼出入男婦

雜沓聲名狼籍

臣

恐遙聞未確值陝西花馬池副

將惠延祖凱旋至省

臣

密詢果否有無其事據稟

與

臣

所聞無異又化林協副將楊大立進省謁見

臣更加細問所稟亦同臣不敢蔽匿理合據實密

奏伏祈

睿鑒謹

奏

異哉周瑛如是行止乖張誠為朕所不解矣凡有見聞似此據實無隱深為可嘉但滿兵自歲旋歸作踐地方何故不以奏聞耶

同日又

奏為奏明事竊查進勦瞻對賊蠻一案因遊擊高奮志所帶漢兵無幾先經督臣岳鍾琪檄飭遊擊常力行帶領駐防裏塘兵丁一千名星赴瞻對會兵勦除等因繼准

欽差部臣查郎阿將進勦桑阿邦漢漢土官兵調赴瞻對併力合勦又派陝西兵丁五百名委守備郎兆龍等帶領護運軍糧各等因咨稱業經

奏明在案惟是軍務重大必得大員節制經臣咨商

督<sub>臣</sub>岳鍾琪令駐防裏塘之重慶鎮<sub>臣</sub>任國榮就

近總統以便早奏捷音嗣准督臣移覆應如來咨

臣隨移行該鎮遵照亦在案但查守備吳鎮所領

巴塘礮格及遊擊高奮志所帶裏塘瓦述霍耳等

處土兵情形怯懦且與瞻對賊蠻多係姻親往往

瞻顧不前無益兵機是以高奮志吳鎮等復聯名

堅請檄調木坪瓦寺等處土兵一千名賊巢立即

可破賊蠻自能授首其瓦寺等處土兵口糧鹽菜

當於瓦述磔格各處土兵老弱內裁去三千五百名以裁出之口糧即抵瓦寺各處土兵需用現今柴草俱為餘賊燒燬兼之雪深數尺必待春草漸生瓦寺等處土兵亦至方能前進等情隨一面就近檄飭瓦寺土司揀選土兵四百名木坪土司預備土兵六百名收拾器械齊全聽候調用一面專差馳商督臣岳鍾琪茲准督臣移覆准予調換土兵一千名臣除委員分路率領星往瞻對併將各

土兵所需帳房鑼鍋等項雇覓馱載專員護送軍  
前以資進剿并咨明鎮臣任國榮查照外理合繕  
摺

奏明伏祈

睿鑒謹

奏

覽奏知道了瞻對雖微亦不可輕視凡事稟以敬慎處  
之方能獲邀

上天之庇佑也

雍正七年七月初十日四川提督臣黃廷桂謹

奏為據實陳明仰祈

睿鑒事竊照化林協副將楊大立諭令明正土司代買

石鍋等物一案臣等欽遵

上諭查實原無勒買及短發價值情弊但不宜擅出硃

帖業經照律會疏

題叅惟是楊大立自奉



旨補授化林協後

臣

即留心訪察見其辦事明白操守

清潔頗能整飭營伍及奉派進藏凱旋至省時

臣

復面詢署督

臣

查郎阿該協進藏往返沿途行走

如何之處據稱約束弁兵實屬小心勤慎堪資臂

指等語且該協年力精壯正可勉勵造就

臣於

題叅後更加密訪委係可用之才

臣

不敢因其擅出

硃帖一事遂爾沒其所長理合據實奏

聞伏祈

恩鑒為此謹

奏

豈待汝奏朕早有旨矣料楊大立未必忍負拔擢之恩也

同日又

奏為奏明事竊臣前密奏鑒儀使臣周瑛一摺奉有

硃批諭旨臣跪讀之下彌切感激惶懼伏思臣賦性愚

昧叨蒙

天恩高厚超拔重任夙夜思維惟知仰賴

皇上勉圖報效復何所避忌何所徇隱且協領莫爾渾

統兵無律是其自取罪戾臣雖下愚何敢徇庇莫

爾渾上負

隆恩實因撫臣究擬咨明臣以該管處自必奏

聞叅處是以未敢瀆

事咸以此四字居心可謂無欺無隱之純臣矣  
奏此實臣昏昧之見復荷

聖慈訓示感愧靡寧自茲以往臣凡有見聞自應據實

陳

奏

臣

不勝悚惕之至理合繕摺

奏覆伏祈

聖鑒謹

奏

鳥過張弓此之謂也

雍正七年七月二十四日四川提督

臣

黃廷桂謹

奏為奏

聞請

旨遵行事雍正七年七月十六日據護理夔協巫山營  
遊擊趙大貴稟據太平營千總王仕偉等報稱六  
月二十三日午後本營兵丁等因都司邵見聽信  
讒言苦虐衆兵受熬不過合隊交甲求退卑職等  
隨將進讒言之人斥責約束兵丁立即仍歸原伍  
理合稟報等語除專差查實揭報外合先稟明等  
因到臣隨飭令該護協確查交甲情由併將為

首交甲兵丁名數訪實密稟去後該臣看得太平

營都司部見漢仗弓馬雖有可觀無如口訥才拙  
性復愚滯殊屬平庸之員今既輕信讒言苦虐兵  
丁致合營交甲求退則其溺職之迹顯然自應

題叅請

旨革職以儆官方但查川省兵丁習染驕縱未盡悛改  
今若執此即行

題叅誠恐兵目無知嗣後轉相效尤實於營伍未便

且兵丁之於營將如果受虐不過現有本協上司  
及臣衙門可控何得結黨挾制官長闕然擅行交  
甲壞法亂紀莫此為甚殊難輕縱臣愚請將糾衆  
交甲為首之人查實嚴拏至省先行重處責革以  
懲刁風以除惡習至於都司部見容臣稍緩即當  
另疏糾參是否有當臣愚未敢擅便理合繕摺恭  
請

訓示遵行伏乞

皇上睿鑒謹

奏

借輕信讒言苦虐衆兵一語遂欲偉免結黨挾制之罪  
豈可得乎類斯刁風不宜滋長當嚴查為首者重懲示  
儆粵東有例堪倣行也邨見若仍留本營勢不相安一  
面另揀賢員即行調補一面具疏題奏將此原由無庸  
敘述

雍正七年八月十二日四川提督

臣

黃廷桂謹



奏為密奏事竊照驛鹽道曹源邠經撫臣憲德委管

文場提調凡簾官需用牀席桌椅等類例係提調  
備辦本年八月初三日撫臣先期查看因牀席桌  
椅過於不堪飭令更換曹源邠隨於是日傍晚吩  
咐成都府役照數更換至初四日早未見送入即  
將成都府禮房責打餘悉拴鎖署成都府項誠繼  
至見而不平竟自恣令開鎖於初五日封帶府篆  
赴貢院至公堂上對衆忿言初四日係祭文廟齋

期曹道遠例動刑且晚上教換牀席次早即行責打夜間如何備辦得及此非打役明係辱我實因伊親家楊勳臣原係南充縣知縣是我屬員做官貪婪伊曾屢次囑託求我不揭我不敢徇情執意揭叅曹道記恨遇事苛索借端發洩似此如何辦事我已將印帶來俟撫憲來時回明情願交印不作官等語聲氣甚高堦下各衙門胥役及舉子百姓等觀望擁擠數層物議嘖嘖殊失體統嗣布政

司呂耀曾至項誠即將前語面稟呂耀曾勸宜忍  
耐不則恐致兩敗後各官復勸項誠以明經大典  
不應道府爭競項誠雖暫從不稟終以曹源邠懷  
恨為辭有俟撫臣出場必行回明之語事關道府  
不和理合據實密

奏伏祈

皇上睿鑒謹

奏

曹源邵項誠俱屬稱職之員彼此不睦小過也非有蕩  
檢踰閑之失同城官員當為從中勸解以息爭競

同日又

奏為恭奉

硃批訓旨事竊臣前奏為奏明事一招欽奉

皇上硃批事事咸以此四字居心可謂無欺無隱之純

臣矣欽此臣跪讀之下汗流浹背神魂無措實無地

可容伏思臣至愚極賤荷蒙

聖恩屢加

訓誨至周至渥乃猶昏昧為心自取罪戾臣實無可陳

奏惟有痛自追悔洗心滌慮勉勵後效以圖仰報

天恩於萬一耳理合繕摺恭

奏伏祈

皇上睿鑒謹

奏

無欺隱一語尚不能勉副朕意猶望汝竭力致身之效

乎

雍正七年九月二十一日四川提督臣黃廷桂謹

奏為奏

聞事竊臣

前將太平營兵丁交甲情由奏

聞恭奉

硃批借輕信讒言苦虐衆兵一語遂欲偉免結黨挾制之罪豈可得乎類斯刁風不宜滋長當嚴查為首者重懲示儆粵東有例堪倣行也部見若仍留本營勢

不相安一面另揀賢員即行調補一面具疏題奏將此原由無庸叙述欽此

臣

隨將奏明奉

旨情節密寄知署督

臣

查郎阿以便會稿請

旨調補但查川省除太平營都司一缺外止有建屬寧

越營都司竝改設化林營都司新添噶達都司三

缺均係沿邊要地更非部見所宜是以

臣

與督撫

臣商酌將梁萬營守備哈元成題補太平營都司

所遺員缺亦屬緊要復揀選重慶鎮標中營守備

楊鶴調補其部見應否以都司職銜管理重慶鎮  
標中營守備事務抑或給咨赴部另補之處現在  
會疏請

旨遵行至於不法兵丁

臣

已飭令護理夔協印務遊擊

趙大貴鎖拏解省俟解到時

臣

謹遵

旨照例發落合先繕摺

奏明伏祈

睿鑒謹



奏

以上陵下固屬不可以上遜下尤為不可一涉將就則顛倒紊亂且不勝其紛擾矣然非秉公持正無忝統率之任者亦未易論及此也

同日又

奏為奏

聞事竊臣據護化林協印務遊擊許連科稟據駐防打箭爐把總劉清稟稱閏七月二十八日有噶達工

所潛逃夫役八十四名到爐即盤阻詢問據云皆是高陽百姓正要具文差人押解申報工所又陸續走到四百餘名皆是高陽土夫據該夫役等云我等離家數百餘里來噶達應差傭工自本年五月動工迄今四月止領糶粃五斛領過工價銀或二兩一錢及四錢五錢不等我等又無處告貸小頭人具訴哀懇借支盤纏總不給發忍饑不過只得奔回等語稟報到職相應稟明等情嗣准撫臣

憲德咨准趙殿最諾木圖咨稱高陽土夫紛紛私  
逃隨將大頭人高萬修楊萬秀鎖拏訊究緣由據  
呈刁夫高續英高壽楊翠鳳戴廣四名串謀衆夫  
夤夜私逃勢勇難當等情除將大頭人高萬修楊  
萬秀二人暫行枷示外查高續英等四人率衆私  
逃刁玩已極且聞各夫在途口稱到工僅領工價  
錢兩次一次每人止有五錢一次每人止有數分  
每運厚板一塊止給工價三分每運到板十塊止

算八塊等語但事關錢糧或係大頭人等扣尅或係逃夫高續英等刁誣之處非令質對難以清查除牌行該署司即將高續英等四名務必嚴拏審究錄供并將該夫等四名解赴工所以便與高萬修等對質發落等情各到

臣臣

查土夫在工潛逃

原屬刁玩既經趙殿最等移咨究審解工對質則有無短發尅減苦累之處自必水落石出但事關夫衆五百餘名紛紛逃散有駭觀聽理合據實奏

聞伏祈

聖鑒謹

奏

此中大有情故朕皆悉知解工對質水落石出時是非曲直曷能逃朕之鑒照也

雍正七年十月十三日四川提督

臣黃廷桂謹

奏為奏

聞事雍正七年九月二十六日據駐藏把總何錫寵稟

卷一百八十八下  
稱本年三月內有陝西兵丁約二百餘人赴邁大  
人衙門回稟西藏柴草豆料俱貴

皇上與我們口糧折色銀兩為何扣存我們的等語邁  
大人當即傳將備等官將原存銀兩每名給發銀  
四兩始行解散等情復於十月初九日據駐藏把  
總李正藩稟稱川省兵丁為支領口糧一節先於  
出師挑派時令各兵裹帶兩箇月輓運四箇月折  
支六箇月是一年之額川省官兵自去歲出口時

在打箭爐打一月之糧折給一月食物行至又木  
多又打一月之糧沿途共打三箇月口糧於去歲  
八月初一日抵藏起至今歲三月終止各兵每月  
每名關領折色銀四兩均各敷用安靜戍守竝無  
異言及至四月內有說版多解到西藏頭運之糧  
時有糧務文員奉各憲之文令兵丁支領本色各  
兵當即巷議紛紛周大人與糧務籌議備文數次  
與督撫兩憲籌畫方令各兵每月半本半折至八

月終止各兵以為相合半本半折之期限完矣衆口曉曉均為日用食物以及餵養馬匹製備衣服鞋襪等項艱窘難度不意於八月初五日有川省兵丁聚集大招各帶腰刀約有百十名朋黨衆議云今西藏所存之糧共七百九十餘石令川省兵丁將前支下剩之糧二百五十石支完方將新運五百餘石川陝兩省之兵均派公支事屬不公衆皆不服該管千把頭腦近前約束衆兵口出惡言



幸而天降大雨陰黑雲暗地道泥濘未能邀衆成  
事理合稟明等因各到臣據此事關川陝兵丁先  
後非為臣既有所聞不敢隱蔽理合奏

聞再臣於駐藏弁兵遇有因公赴省者每親加細詢藏  
地情形據稱藏內柴草馬料甚貴步兵用度儘可  
從容馬兵未免有時不足等語臣思各兵所食半  
米之外每月尚關支折色銀二兩又有

恩賞鹽菜銀兩甚屬充足何至日用不敷但各兵奢儉

不一或間有不足之處亦未可定查出師兵丁每  
季餉銀俱係家口關支養贍今仰沐

聖恩復賞坐糧優渥重疊其各兵家內更覺十分有餘

臣愚以為似應將川陝兵丁所關李銀一半令其  
家口支領一半令各兵在藏關支庶在外在內均

屬充裕

臣

復以此議屢密詢自藏赴省各弁兵咸

稱如此實為妥便但事關川陝兩省兵丁

臣

未便

擅專已將此段情節寄商署督

臣

查郎阿應聽署

督臣核奪料理相應一併繕摺具

奏伏祈

睿鑒謹

奏

覽奏已悉賞給坐糧之諭想駐藏兵丁此時方始聞知  
耳朕今密發所奏與馬臘閱看令其確察兵丁情形覆  
到之時然後降旨施行庶為協當茲且密之勿宣

雍正七年十一月十六日四川提督

臣

黃廷桂謹

奏為奏明事竊臣查黃邕改土歸流一案土司國保

仰蒙

恩旨臣隨欽遵悉心辦理業將國保安插成都各緣由

恭疏具

題惟是國保先經奉調至省曾在將備前口稱不拘

安插何處又以恐不服水土為辭意欲移家叙州

府臣查敘州府距黃邕頗近未便安插成都去黃

邕遙遠且係省會觀瞻所在便於習學規矩臣是

以飭令將備等婉轉開諭國保令其住居成都學習禮法於伊子孫有益國保即欣然具呈願居成都臣又令將弁代為擇買田地房屋竹園發交管業國保愈加欣悅隨即差人回巢搬接伊妻子眷口至省再國保尚有胞弟木姑未咱未基及堂弟未孃木濟等臣思國保雖酌議安插若其弟輩多人仍聽住居黃邛倘不安靜終於地方無益臣又令將備等從容誨導國保更令駐防黃邛守備毛

龍甲不時傳集未咱木姑等宣布

皇恩俱各感戴踴躍一同攜家抵省共計男婦六十七

名口

臣

除將未咱木姑等造具戶口清冊移明撫

臣

憲德酌撥附近荒田計口照例安插外理合將

辦理情節據實

奏明伏祈

睿鑒謹

奏

安插成都甚屬合宜務令其俯仰充裕中心感悅不然則是朝廷直為誑誘之舉矣殊與國體有關總之汝等封疆大吏但當以誠信為本權術二字無一處一事可用也誌之

同日又

奏為請

旨招民開採礦廠以資鼓鑄以利民用事竊臣據駐防

黃邨守備毛龍甲稟稱金竹坪白臘山蠻夷司金

竹壩等處各有銅鉛廠一座民人現在紛紛懇請  
開採守備又詢據商人等稟稱雷波黃螂靠山一  
帶尚有數處礦廠等語相應稟報又據馬邊營守  
備房啓義稟稱煙草峯會龍堡一帶礦廠甚多如  
陰戲岩炒米廠地方出有銅廠二座又木香岡新  
廠墩化皮廠三處各出鉛廠一座夾有銀砂該處  
土民不時在內偷挖旋逐旋聚更聞此外尚有廠  
座等情各稟報到

臣

伏思礦廠乃天地自然之利



銅鉛為鼓鑄所必需封閉無用實屬可惜且建昌一帶礦廠業經酌議具

題招商辦課而馬邊黃螂等處既產銅鉛似應懇請天恩一體聽民開採上可稍資鼓鑄下即可為衆民衣食之藉實於

國計民生均有裨益倘蒙

俞允其作何招商開採之處應聽撫臣照例承辦理合繕摺奏

聞伏祈

皇上睿鑒謹

奏

此奏識見殊屬庸愚之至所謂守突與之熒燭未仰天  
庭而覩白日者也雷波黃螂一帶地方與新撫涼山諸  
夷壤疇交錯第宜示以鎮靜胡可興啓利端若聽民開  
採各處流亡無藉之徒勢必羣相趨赴萬一釀生事故  
所關匪淺汝其會同憲德速將金竹坪白臘山等處凡

出產銅鉛礦廠緊行封禁嚴加防範稍有奉行不力脫至紛紜黃廷桂憲德之身家性命未足以償厥辜也

同日又

奏為奏

聞請

旨遵行事竊查峨邊馬邊二營轄屬汛地皆與蠻夷接壤向因人民稀少野苗未靖是以從前遷棄之地方多未盡展復如峨邊營一帶汛防至太平墩而

止而太平墩之外尚有冷磧關平夷堡化平林等處其馬邊營防守汛地止於兩河口此外更有會龍堡煙草峯大竹堡等處俱久經拋置今川省民人生齒日繁又叨蒙

聖恩安插流寓開墾荒畝為窮民衣食之本以故馬邊營土著老戶及外來新民屢欲將會龍堡煙草峯一帶拋荒田地報墾承糧而弁兵又以兩河口之外未經設汛恐無防衛倘致夷人乘間鄉竊深為

未便極力阻擋兵民因此往往互相訟訴至峨邊  
營所屬太平墩之外如冷磧關平夷堡化平林等  
處雖遷棄日久臣向聞各該處地勢扼要係夷獠  
出入咽喉總路且其中山壘平坦土性肥饒可耕  
之田地甚多臣於上年進勦涼山事竣之際曾將  
素隸峨邊住牧大赤口一帶之雄瓜膩乃等夷素  
隸馬邊住牧涼山一帶之九土百戶陸續調集厚  
賞臣即將化平林煙草峯等處各應安設情由明

白曉諭彼時雖據各夷目稟稱情願安靜守法不敢滋事但臣伏思凉山諸夷甫經勦撫其傾誠效順與否尚難預必未敢冒昧

奏請今自大兵撤後將經一載凡建屬雷波黃螂各處新附苗民無不仰承

聖主撫綏德意甚屬安帖不但毫無綁竊更能將素日掠買漢民不遠數百里之外赴營首報自行獻出臣觀苗民既能似此恭順則附近峨邊之冷磧關

平夷堡化平林附近馬邊之會龍堡煙草峯大竹堡等處原係內地似應懇請

天恩俯准展復俾民人墾闢荒畝以資生計惟是地方新闢一切衝邊要隘汛防不可不備

臣

悉心籌畫

查平夷堡冷磧關化平林等處直通大赤口涼山一帶俱係蠻人出沒必由重地而平夷堡尤為咽喉總匯要區似應於此設守備一員帶兵一百三十名駐劄以扼要衝其冷磧關設外委一員帶兵

五十名聯絡分防至化平林去太平墩頗遠備禦  
當嚴應設千總一員帶兵一百二十名駐劄以資  
控制所有添設千把二員均令平夷堡守備管轄  
仍令峨邊營統轄至馬邊營所屬會龍堡煙草峯  
大竹堡等處均在現設汛防之外查煙草峯距馬  
邊寫遠直通涼山普阿姑一帶甚關緊要似應設  
千總一員帶兵一百名駐劄其會龍堡設把總一  
員帶兵六十名分防至大竹堡雖去馬邊較近然



路通麻柳壩四黑等蠻應設外委一員帶兵四十  
名駐劄互相控扼此所設千把兵丁統歸馬邊營  
管轄但設兵必須籌餉以上峨邊馬邊二營共計  
請設守備一員千總二員把總一員兵五百名其  
每歲支領俸餉悉關正賦臣再四思維莫若於次  
衝營汛及通省經制額兵內酌量設法改調抽撥  
通融轉移則於各營兵力仍屬無損而汛防周密  
俸餉無增邊民有衽席之安番蠻無盜竊之患垂

諸永久實為有益臣因地方民情起見不揣冒昧  
是否可採恭候

聖鑒遵行謹

奏

所奏抽撥兵弁移駐事宜候交廷臣詳議有旨至於墾  
荒之說應俟汛防安設妥協三二年後酌量情形方可  
議及今於新撫之初諸凡未備遽欲舉行殊屬孟浪無  
識

雍正七年十二月初一日四川提督臣黃廷桂四

川巡撫臣憲德謹

奏為奏

聞事雍正七年十一月三十日據護重慶鎮印務叅將  
胡兆吉暨重慶府墊江縣各通報內稱十一月初  
七日聞墊江縣新場地方有聚衆之人帶有牌票  
招人隨即文武會同齊差兵役拏到楊大銘董先  
朝黃四等十九名並獲馬二匹未裝束烏鎗一桿

楊太銘處搜出招人硃判紙一條上寫楊大銘名下人一百隨審據楊大銘供係江西吉安府廬陵縣人到新場剃頭生理有黃四趙汝海等邀去買棉花到鄆都縣白石了王可久家同湖廣人陳姓李姓劉姓等別的不知姓名共四十多人王可久整了血酒叫小的們大家發誓拜弟兄纔對小的說忠州出了楊家將叫楊成勲他家有金鑲玉印劉伯溫碑記他第七箇兄弟必要為王送在酉陽

司去了叫大家扶助吃了血酒在王可久隔壁大  
魚寺歇這帖子是王可久王仲久同一姓陳的與  
小的的又據董先朝黃四等供出在王可久家吃  
血酒為頭第一箇楊成勳第二箇陳文彬第三箇  
杜秉凡第四箇王可久等情隨將各犯監禁多差  
幹役移會鄰邑追緝未獲各犯外又復檄行署忠  
州守備蔣弘英選差幹兵密拏餘黨去後據差往  
目兵陳國彥等回稟走到離楊家不遠忽被多人

圍到楊成勳家細綁至半夜時候有楊成勳之兄  
成賢成舉來解放說他兄弟回來他父親說是查  
地方的營兵為何細綁他一陣罵一陣礮他兄弟  
成勳在屋後樹上吊死了衆人方纔散去隨將成

賢成舉拏獲到州現在嚴訊并緝拏餘黨審明口  
此案當徹底根究毋得稍涉疎縱滋長不法風習總緣  
汝等平時不以地方為事致令姦徒敢於聚衆妄為今  
敗露之後若又不能盡力察拏執法推治朕不再為汝  
按察司川東道會同多撥兵役四路分頭協拏首

等寬貸也

惡黨羽并檄飭酉陽司追獻楊七嚴查有無假印

碑記確審實情定擬另行具

題外理合先行奏

聞謹

奏

奏內據稱檄飭酉陽司追獻楊七竝嚴查碑印等語最  
宜詳慎勿俾無知弁員憑威迫脅激出事端朕意或係  
姦匪捏詞妄供希圖推卸亦未可定料該土司未必有

欽定四庫全書

硃批諭旨

卷二百十八下

聖

此事也適已批明查郎阿摺內令其轉諭汝等矣

雍正八年正月十八日四川提督臣黃廷桂謹

奏為恭謝

訓旨事竊臣前以庸愚卑淺之見冒昧陳

奏敬奉

硃批諭旨此奏識見殊屬庸愚之至所謂守突與之熒  
燭未仰天庭而覩白日者也雷波黃螂一帶地方與  
新撫涼山諸夷壤疇交錯第宜示以鎮靜胡可興啓



利端若聽民開採各處流亡無藉之徒勢必羣相趨  
赴萬一釀生事故所關匪淺汝其會同憲德速將金  
竹坪白臘山等處凡出產銅鉛礦廠槩行封禁嚴加  
防範稍有奉行不力脫至紛紜黃廷桂憲德之身家  
性命未足以償厥辜也欽此臣跪讀之下仰見  
睿慮精詳至周至遠乃臣愚昧為心率爾瀆陳以致上  
厪

天懷謬戾實深荷蒙

天恩鑒宥復

賜訓示開導切至俾

臣

醒悟知有遵循

臣

隨即欽遵飛

飭該管雷波黃螂馬邊等處將弁將金竹坪白臘

山煙草峯等處凡有鉛銅之廠悉行嚴加封禁不

時選差弁兵查拏流匪勿許偷挖滋擾仍委員逐

處挨查併出示曉諭嚴禁務期漢番和輯各安住

牧仰副

聖主牧寧邊境保乂民人之

至意臣不勝悚惕感激涕零之至謹恭摺

奏謝伏祈

睿鑒謹

奏

向後一切事宜務須詳慎為要率爾之見何可瀆陳朕覽所奏倘亦如汝遽即見諸施行竟至滋擾地方其害曷勝枚舉豈引咎頌聖數語所堪了結者如云曾經審思原非率忽則已之才識實屬不逮可知愈當加勉詳

慎矣

同日又

奏為奏

聞事竊查墊江賊黨一案臣等據報即經會摺具

奏嗣於雍正七年十二月初三十五等日據護重慶鎮印務城守營叅將胡兆吉先後咨稱陸續捉獲逆犯徐應詔等九名王招德等十三名又獲杜秉凡等五名又獲首惡楊七等七名又獲楊成爵等

四名各等情到

臣

俱經節次轉咨署督

臣

查郎阿

仍飛飭胡兆吉慎選弁目嚴密查拏各在案現今

此案人犯撫

臣

憲德已提解赴省飭令審究茲於

本年正月十二日接署督

臣

查郎阿札稱恭奉

硃批諭旨敬錄到

臣

伏查首惡楊七果係於楊隘嘴地

方被獲竝未在酉陽土司境內

臣

跪誦

綸音仰見

聖明洞燭如日月之照臨無遠不周

臣

隨敬錄密示胡

兆吉欽遵仍密飭會同文員詳慎料理勿得滋擾  
理合將緝獲楊七及一千要犯提解赴省緣由一  
併繕摺奏

聞伏祈

睿鑒謹

奏

朕非有過人技能但較汝等克誠克公耳凡人為一己  
利害是非之念切則遇事接物動輒有過不及之失勉

公與誠斯為對證之藥

雍正八年十二月十六日四川提督臣黃廷桂謹

奏為奏

聞事竊臣於本年十一月二十五日據臣標前營遊擊

王谷宰報稱本月十四日卑職督兵前進行次回

龍關其關左手懸崖右手深溝大澗夷獮羣聚數

千堆積滾木擣石卑職遠視兇險不敢冒進隨另

覓小路飭守備張文壁等帶領漢土兵丁五百名

抄在回龍關之前截殺又令守備干為章等帶領漢土兵丁三百餘名於巖後攀巖而上卑職帶領漢土兵丁九百名於關下誘賊以信礮為號三處官兵喊聲大振鎗礮一齊攻打猱賊潰敗奔逃隨越回龍關於米貼下營十五日取金鎖關十六日奪黑鐵關十七日剋黃草坪乃猱賊猖狂至初更時分在營盤之左巖上名拖柯礮滾放礮石隨詢知此礮後通鋪枯嚕礮卑職密令守備張文璧等



帶領漢土兵丁八百名立即銜枚攻勦去後又令  
守備千為章等連夜仰攻拖科磴因磴如壁立其  
中木柵牆垣甚堅我兵被擣石打傷甚衆職督催  
官兵奮勇爭先至十八日午時羣賊大敗官兵追  
擊上磴殺死裸賊數百餘名十九日據守備張文  
壁捷報鋪枯嚕磴勢陡險有三十餘里之高我兵  
攀援至半山裸賊擣石齊下官兵奮勇攻打以至  
有陣亡帶傷者未時攻至磴上擊殺賊蠻甚多等

情卑職於二十日率領漢土官兵攻取螞蝗溝併  
分兵進攻古株等砦俱於永善會合乃猱賊狡計  
沿途豎立木柵阻塞隘口施放矢石我兵用大礮  
更番攻打旋攻旋進兇猱勢窮難支撲巖鼠竄即  
於本日恢復永善等情捷報到臣臣查自井底至  
永善沿途二百餘里俱係懸崖峭壁賊夷所在蜂  
聚經遊擊王谷宰督勵兵士連宵血戰克取險隘  
恢復永善但烏賊變叛異常官兵無不憤恨同仇

爭先除寇以致陣亡漢土兵丁二名瓦寺土千總  
一員受傷漢土官兵八十餘員名至於克復大關  
一路官兵臣據署遊擊康國泰等驗稱職等於十  
一月初十日分派官兵前往大關後箐搜勦突遇  
裸賊數千駐劄溝內一見我兵即齊來拒敵自午  
至酉裸賊敗退入箐日暮收兵回營乃裸賊乘夜  
分為二路復來死鬪職等督兵努力交鋒直至黎  
明羣賊方始潰散緣夤夜昏黑殺死兇蠻固多而

我陣亡把總一員外委一員漢土兵丁三十六名  
受傷漢土官兵九十餘員名即卑職國泰面被弩  
傷深入額骨等情再查堵剿東川一路官兵

臣節

准建昌鎮

臣

趙儒咨據署遊擊楊澤厚等報稱職

等嚴密防截先後捉獲東川猺賊二百餘人內賊  
目十三名及賊目之家口一併解交滇省又救出  
被難漢民三名及滇兵十三名各兵之家眷三十  
四名口業經專差送赴滇員收管去訖所有微

臣

據報恢復永善及漢土官兵奮勇傷亡併擒獲賊  
目各情由除已咨明督臣鄂爾泰外理合恭摺奏  
聞伏祈

皇上睿鑒謹

奏

官兵之奮勇爭先汝之調度合宜深為可嘉據鄂爾泰  
亦有川省將領此番勞效較勝滇省張耀祖輩遠甚之  
奏勉旃勉旃

欽定四庫全書

硃批諭旨

吳

雍正九年六月二十二日四川總督臣黃廷桂四

川巡撫

臣憲德謹

奏為備陳川省情形敬竭臣等管見仰冀

聖明俯垂採擇事竊惟民為邦本食為民天我

皇上浩蕩洪慈無時不以民間粒食為念各直省倉廩

儲積屢蒙

諭旨訓示周詳臣等仰體

宸衷覺川省地方其米穀有不可不早為籌畫者敬為

我

皇上陳之川省遠屆極邊萬山叢積惟成都省會附近  
十餘州縣平洋寬敞田多渠堰素產米穀古稱沃  
野千里其餘府廳州縣則皆依山傍澗其田坵地  
塊專賴天雨灌溉稍不及時即多歉薄所以附近  
內外兩江舟楫可通之處軍民食米亦往往仰藉  
成都前此糶販甚廣而產米之鄉相忘不覺米價  
不增者以本處人烟稀少食之者寡也今

聖朝生聚日繁向之畸零小戶每多聚族而居兼之商賈匠作攜家就食傭工力役結伴去來四時絡繹不絕故近來青黃不接之際米穀價值城鄉俱不無少昂臣等查全川一百數十餘州縣其倉廩存貯米穀雜糧通省合算止共四十二萬石有零且川民習俗從無蓋藏即紳士豐裕之家亦皆無隔年之蓄所以臣等輾轉深思若以本省所產之糧供本省目前之用自無不足之虞然以現今之生



聚遙計後此之增多自必日盛一日萬一偶遇歉收鄰省既難於撥運本地又無可截支止藉此四十萬石之倉糧實難免匱乏束手之慮此臣等竊謂川省米穀不可不早為籌畫而上請

聖慈者也伏查川省常平倉捐例久已奉行又經陞任嘉定州知州陸錦奏蒙

恩允部覆飭遵至今已越兩年竝無一人報捐臣等復悉心諮訪盖川省例係捐穀歷年穀價漸長又不

無購買搬運及上倉守候之勞且又止有捐監一途更不許外省之人在川援納所以自康熙三十二年起至今歷四十年来而捐者寥寥倉儲無幾臣等不揣愚昧竊計略為變通請將川省常平倉捐例改穀作銀一切捐款銀數悉照雲南貴州現今事例不分旗民人員聽許赴川遵例援納即交兌四川布政司貯庫出給實收赴部換照臣等即將此項捐貯銀兩分別地方大小遴委賢員於秋

成之時赴各州縣照依市價分頭買穀交該地方  
官查收貯倉而於濱江州縣加倍多貯一轉移間  
國計民生俱有裨益倘蒙

俞允其州縣衝僻繁簡各應貯穀若干石松爐新設營  
汛應行改穀貯米者各若干水陸船腳運費按站  
應給若干併請照雲貴開墾各條事例統俟

恩准批允至日

臣

等悉心酌定另疏具

題未敢遽為瀆奏謹就管見所及者據實備陳是否

可行伏祈

皇上睿鑒訓示遵行謹

奏

川省乃產米之鄉籌畫積貯尚易為力該督撫遽請開  
捐誤矣且欲改穀作銀又復將銀買穀輾轉滋弊更屬  
悖謬但通省倉廩止存四十餘萬石為數太少應作何  
增儲之處交從前所派會議截漕大臣同田文鏡速行  
詳議具奏

雍正十年閏五月十二日四川總督臣黃廷桂謹

奏為恭謝

天恩事竊

臣

接准撫

臣

憲德寄到大學士鄂爾泰等字

寄四川巡撫憲德雍正十年二月十九日欽奉

諭旨賞

臣

養廉銀一萬二千兩

臣

隨恭設香案望

闕叩頭謝

恩伏念

臣

庸愚駑鈍叨沐

天恩逾分超擢未有涓埃之報屢以養廉請實深惶

悚乃蒙

聖慈賞給加厚

隆恩養至深極渥臣惟有矢竭公忠實心任事以期

仰報

高厚洪慈於萬一理合恭摺

奏謝伏祈

皇上睿鑒謹

奏

覽奏謝知道了凡居官食祿者無論高卑俱當以操守為第一要務汝輩旗員獨此一事朕未之能信勉之

雍正十年閏五月二十五日四川總督臣黃廷桂

四川巡撫臣憲德謹

奏為奏

聞事竊臣等於本年閏五月十八日據直隸嘉定知州

錢青稟稱本月初六日據峨眉縣知縣文曙具報

該縣地方於初三日夜山水陡發自西關至東門

城外將居民房屋衝倒人口淹斃數十名田禾淹沒同日又據署夾江縣蔣一鳴亦報水發淹沒田禾各等情卑職隨即星赴戡邑逐一查勘緣大雨連夕戡眉山後山水陡發會集奔衝直至城西轉北至東水勢洶湧兩旁人戶躲避不及以致坍塌房屋百有餘間淹斃男婦大小九十餘口近城田地被水衝塞沙石淤填至夾邑水淹地畝係因雅河泛漲水浸入地將近河沙地秧苗淹沒房屋人



口竝無損傷等情到臣等臣等隨公同會商義邑  
近城民人陡被水災損傷男婦飄沒田廬實屬可  
憫臣等仰體

皇仁暫動公用銀一千兩飭交建昌道馬維翰星速前  
往裁眉夾江逐一查勘務將實在災黎宣布

聖恩酌量賑恤均霑實濟仍恐被水窮民不無乏食竝  
令該道即動常平倉穀按戶查明借給以資口糧  
其二邑淹沒田地是否成災一併據實查勘詳報

俟該道詳報至日

臣等另行奏

聞外所有據稟山水陡發

臣

等委員查勘賑恤緣由合

先恭摺具

奏伏祈

皇上睿鑒謹

奏

自命黃廷桂總督川省以來災祲屢聞朕甚憂之未識  
黃廷桂亦曾返躬自省否也

雍正十年八月十七日四川總督臣黃廷桂謹

奏為奏

聞事竊查秋成之後勦捕兒斯賊番需調漢土兵丁六

千名經臣繕摺

奏請恭奉

皇上諭旨臣隨分檄派撥漢土兵丁六千名交鎮臣趙

儒總統調度至於進勦機宜臣悉心籌酌查兒斯

堡地方前以上中下三渡為門戶扼塞之所後以

欽定四庫全書

硃批諭旨

卷二百十八下

五十五

蘇爐巴日堡及木裏等處為事急潛遁之路左則恃有噶巴峪石關二道右則恃有廟頂山險得以抗拒而其盤踞重地則意魚卡一山兩峯壁立中通一線長亙數十餘里實為要害

臣先密檄明正

土司將蘇爐巴日堡連界渡口由打箭爐多派土兵嚴密堵截其木裏各接壤處所令該鎮預先密飭各土司頭人加謹防範至我兵進攻道路亦已密檄鎮

臣

趙儒查照應由三渡各分一軍飛濟直

前毀其門戶由會鹽一路至噶巴峪搗破石關由  
窩卜一路攻克廟頂斷其兩翼其意魚卡山之前  
仍應明駐大軍攻擊牽制賊人却暗派精兵一由  
石關一由廟頂山各躡小徑出其不意攻入意魚  
卡之後則賊首尾受制顧此失彼擒縛首兇以正  
典刑似覺易於為力竝令該鎮臨時詳察機宜務  
期實力料理不許稍有將就完報等因在案臣仍  
不時專差督催密察倘草率粉飾立即嚴叅再鎮

臣趙儒因刻期進勦援例詳請賞項臣隨批行布  
揭賞之需宜多發備用此數似覺太少  
政司查照往例動支公用銀二千兩發給製備以

資鼓勵合併

奏明伏祈

睿鑒謹

奏

務期一舉戡定以收永遠綏靖之功毋得仍然潦草結  
局今賊番敢於猖獗者皆由汝從前未經料理妥協所

遺之患若再苟簡從事朦混一時則將來何所底止耶  
其將朕意密諭趙儒領悉勦番之後原係汝二人未了  
首尾設不能奮勉立效以贖前愆二罪併罰恐汝等難  
以克當矣總之一切進退利鈍情形纖毫不隱殫心竭  
力相機合宜而為之自蒙

上天之庇佑也囑伊謹誌勿忘

同日又

奏為奏

聞事竊

臣

因上年六七月間成都米價騰貴一面諭令

布政司將常平常豐倉穀全數碾米委員平糶一面繕摺會

奏及秋收後隨即諭令布政司將碾辦倉穀如數買補還倉以為今歲青黃不接之需仰蒙

皇上至誠格

天今年夏熟已獲豐稔無須此項接濟復慮蜀地氣候每當秋成之時恒多陰雨連綿縱有上等田禾緣雨



水過多收成反致稍減乃自入秋以來七八兩月  
天氣晴朗川民婦子得以盡力收穫所結顆粒愈  
加穎粟茲據成都府查報府屬十六州縣收成分  
數十分者十州縣九分者六州縣臣又差役四處  
訪查俱云各處收成實與成都不相上下現今米  
價上米每石四錢七八分次則四錢一二分將來  
秋收完畢之後米價或尚可以減少除俟布政司  
彙造通省收成分數另行會

奏外合先具

奏以慰

聖懷謹

奏

觀秋成豐稔米價平減情形或汝果能悔懼修省有以挽回

天心亦未可知也

雍正十年十月二十日四川總督<sub>臣</sub>黃廷桂謹

奏為奏

聞官兵克捷拏獲賊兇事竊查擒勦兒斯賊番

臣酌調

漢土兵練委交鎮

臣

趙儒統領調度隨經繕摺

奏明但

臣

伏思獫狁番部其素行不法者固以兒斯

為最然此案則水墨巖係在河東兒斯賊住居河

西一旦渡河逞兇必有附近惡夷勾引生釁若止

勦捕兒賊而造謀之首逆不即查明懲創終非一

勞永逸之圖

臣

隨疊次札寄該鎮并諭軍前各將

留心訪察嗣據稟稱查明動手正兇原係兒斯賊  
番而始則起意勾結殺害厥商繼值大兵駐河鵬  
勦復乘間搶奪糧石傷壞兵夫者實係河東之瓦  
都瓦尾紫古咧一帶賊目內外作姦罪不容誅等  
情臣隨檄飭一併嚴拏去後令節據鎮臣趙儒咨  
報漢土兵練於九月初旬內外陸續齊集一面先  
令遊擊楊澤厚帶兵自會鹽一路攻入一面飭催  
渡船於九月二十五六三處渡口需用大小船隻

俱已造完隨分遣遊擊壽長等帶兵於二十七日渡河直前本職量帶官兵駐劄刻嗎木上下策應相機料理於十月初二日將瓦都瓦尾紫古喇賊目郎姑嗎即沈各別並土撲撒父子等設法擒縛隨立遣署叅將傅弘禮率領弁兵分頭搗巢捉獲賊犯等男婦二百餘名口又將賊首獨溜溜俄即擒獲解交寧遠府收審其壽長等各將遵照檄示分道進攻各據稟報督率弁兵轉戰而前於初三

初六等日左右前後四路官兵俱將各處石關攻克意魚卡腹心重地亦已犁掃直抵接不接新老寨俱經會合沿途陣斬賊蠻甚衆生擒兒斯正兇雜兒谷哈布等十名一併押交寧遠府收審等情捷報到

臣臣

查進勦以來仰仗

天威將士鼓勇旬日之間遂將河西險要俱經搗破兒斯正兇已有擒獲而河東各寨造謀逆番無不受縛除再專差嚴檄諸將分遣弁兵四路窮搜密捕

務將兇番通數全拏解報外所有據報克捷情由  
理合奏

聞謹

奏

覽奏已悉仍飭將弁兵丁小心慎重相機而行毋致稍有疎失

同日又

奏為敬稟

聖訓實力遵行事竊

臣

恭奏漢土官兵起程日期一摺

敬奉

硃批委曲開導仰見

皇上軫念邊防務為久安長治之計至深且遠凡有地方之責者苟具人心能不戰兢惕勵勉圖報效孰敢尚懷欺飾自干重譴伏思番蠻雖屬蠢悍如果措置得宜自可漸臻化理盖雷波黃螂即係新附

之區

臣

凜遵



睿謨宣布威德不時專差察看彼處土民沾沐

聖澤日就醇謹其涼山十數萬夷獮自雍正六年進剿之後靡不安靜守法而冕山越窩相隔百有餘里

從前原係撥兵對哨保護行商及

臣

撤兵之後明

白曉諭停止放哨數年以來竝無劫奪等事至兒斯一案於雍正五年經副將王剛帶兵剿撫之際

臣

甫經到川一切地利夷情實屬不諳今逆蠻既

敢陡肆兇鋒即

臣

撫馭無方仰蒙

訓旨諄切敢不竭力肅清

臣已遵

旨密諭鎮

臣

趙儒凜遵料理今查河東一帶造謀首逆

全數擒獲河西兒斯堡動手正兇亦有解報

臣復

專差疊檄嚴催將兒斯兇番逐一上緊緝捕務盡

根株以免後累惟是三渡河東逼近寧番肘腋之

地若不痛加懲創終恐養姦貽患是以并令該鎮

乘此軍威凡有素行不法賊夷查實一併掃除再

臣

訪聞寧番村堡竟有漢姦希圖夷利擅敢隱蔽

逆犯之牛羊等物者隨已密諭寧遠府即速確查  
拏究以儆不法臣惟有盡心竭力徹底辦理俾漢  
夷共知儆戒則蕩平之後徐施教化庶可一勞永  
逸仰副

聖主綏靖苗疆至意所有遵

旨辦理緣由理合恭摺奏

聞伏祈

睿鑒謹

奏

秉忠抒誠黽勉為之其間偶或遇有滯礙難行何妨據實奏聞商酌辦理豈可欺飾掩蔽苟簡朦混也汝等中平材質一切處非過則不及嗣後務須講求適當合宜之道為要

雍正十年十二月初一日四川總督<sub>臣</sub>黃廷桂謹

奏為凜遵

睿謨苗疆底定恭報凱捷事竊<sub>臣</sub>前將擒縛河東各寨

勾結逆番及兒斯有名正兇并嚴檄將弁密捕窮  
搜務盡根株各緣由俱經繕摺

奏明續據鎮

臣

趙儒次第咨報從前河西各堡凡係

協助兒斯之逆保及官軍深入以來負固抗敵庇  
匿兒斯之兇蠻嚴飭遊擊楊澤厚壽長沈國卿洪  
揚都司張懷元吳金章等督領備弁士卒嚴截密  
佈躡緝賊蹤或分頭犂掃或協力勦擒先後計尅  
廟竹打約勒烏錯多拉谷擦谷路糯居勒必約葛

皮羅木羅等堡數十餘寨又將賊夷盤踞要害喇  
卡哈四夷羅露沽崖萬雲峯等處奇險石硐十數  
餘穴次第搗燬再查下渡河東接連內地白宿凹  
麥地溝瀘沽一帶夷巢原係猺獠本支輒於軍營  
左近射傷馬匹攜家逃入山箐不肯受撫復行檄  
飭沈國卿張懷元等堵截要隘會兵嚴搜捉獲賊  
番除飛巖投河自盡及臨陣擊斬外通共生擒賊  
目賊從及老幼家口一千餘名本職又復帶兵渡

河查勘情形週圍上下逐處親歷以便詳議善後  
目擊沿山各箐險巢要隘俱經掃除其案內各堡  
造謀頭目動手拒敵正兇已全數緝獲移交寧遠  
府收審解省實係賊氛悉靖地方清寧軍務告竣  
各等情到臣該臣看得猺拔番族在於三渡河東  
河西毗連住牧從前副將王剛帶兵勦撫雖經渡  
河不過兒斯一堡原未深歷重險遍加懲創故賊  
蠻倚恃山窟仍敢恣肆今則仰蒙

聖訓剴切指示而鎮

臣

趙儒凜遵

宸算殫力竭誠徹底料理一切險巢重地深林石穴靡

不督勵將士悉行蕩平凡係案內不法賊目正兇

業經寧遠府知府杜士秀等訊明陸續解省一無

縱漏又因善後機宜關係垂久鎮

臣

趙儒親身遍

歷逐細查勘令軍務既竣

臣

現在檄行該鎮量留

官兵駐劄彈壓其餘漢土兵練撤回汛巢俟咨覆

前來

臣

另疏



題報外至於善後措置臣已寄知該鎮悉心妥議到

日臣再與撫臣憲德熟計詳籌另摺恭陳

天聽所有犯番全獲軍務告竣各情節理合繕摺捷

奏伏祈

睿鑒謹

奏

所奏欣悅覽之趙儒督勵將士蕩平逆番不法賊目又  
經全獲甚屬可嘉俟具題到日另有恩旨可先轉諭知

之

雍正十一年十一月二十一日四川總督臣黃廷

桂謹

奏為奏

聞事竊

臣

據巫山營遊擊稟稱據駐防建始縣署把總

葉如藩報稱本年十月十六十八等日有容美司

土民陸續逃出男婦大小五百三十餘名口由本

汛茶寮塘經過前往湖廣紅沙堡駐劄聞說容美

土司修齊寨子要將寨外居民調進土民不服搬  
逃等語隨帶過山鳥機二門小鳥鎗百桿剗刀百  
口寄放過山鳥機一門於本塘隨又差兵目前往  
紅沙堡確查去後續據回稱所有帶出各項軍器  
現俱存在紅沙堡有湖廣防汛把總于元將土民  
安插巴東一帶地方候示等語卑職對面觀看司  
內守烏陽關之土兵約有五十餘名晝夜響鎗不  
止今汛內南里以至下白沙等處百姓男女心驚

躲避卑職會同文員於各處安撫百姓歸寧隨復  
挑領汛兵駐劄茶寮頂塘小心隄防外所有過山  
鳥機一門不便存留差人送至建汛城內收貯等  
情又據護重慶鎮劉敬稟據署黔彭營遊擊稟稱  
據目兵李元良等稟稱探得容美土官差土人八  
十餘戶隨帶鎗礮什物駐劄烏陽坪築城防守關  
口堵禦湖兵土民商議逃出投明紅沙堡于把總  
將土民所帶什物鎗礮解赴彝陵鎮當即派委歸

州張遊擊帶兵三百駐防紅沙堡等情各稟報到

臣該臣看得建始一縣逼近容美隘口繁多今土

民五百餘衆攜帶火器剗刀紛紛徑過以致建汎境內南里至下白沙等處百姓驚惶躲避查該縣

防兵單薄不足彈壓稽察臣與撫臣商酌飭令巫

山營遊擊曾來印將本營兵丁量派一百名委弁

帶領前往建始暗自分防勿許稍有聲張滋事仍

選差幹目密探情形不時飛稟至容美土民逃赴

湖廣土司有無不法事屬鄰省臣未能深悉湖廣督撫諸臣自必備細查辦奏

聞但臣伏思川楚接壤如或進勦誠恐需用川兵臨期派調未免急遽似當備而不用除密令重慶鎮預備兵一千名夔州協預備兵一千名收拾停妥聽候進止外所有據稟容美土衆逃出建汛百姓驚惶以及臣等商酌辦理預備各緣由理合會同撫臣憲德恭摺奏

聞伏祈

睿鑒謹

奏

兵固當備但須密而又密或托詞防邊預選候調不可  
令彼驚疑反致激出事端朕審度局勢雖備無用切毋  
輕舉妄動候旨遵行

雍正十一年十二月初五日四川總督

臣

黃廷桂

四川巡撫

臣

憲德謹

奏為奏

聞事雍正十一年十二月初三日據順慶府同知管臚  
傳稟據大竹縣稟稱本月二十一日訪有文興貴  
文射斗王來聘在於文家山大山內書符書咒假  
稱有放瘟放虎法力煽惑愚民演習鎗棒當即會  
同營汛選差兵役星往緝捕拏獲黨首文興貴又  
續獲徐永耀王秀章賈克武王登第李登庸馮殿  
川文興義等一千黨犯隨訊據供稱尚有要犯朱



洪文射斗陳心儀王來聘夏佐五等聞風逃往大  
竹鄰水交界瓦屋坪之東隱寺山內藏躲等語卑  
職隨即會同遊擊劉應標添撥兵役馳赴鄰水大  
竹并令該兩縣文武員弁各差兵壯即委典史外  
委分頭帶領星往彼處四路搜拏外相應通稟等  
情到臣等據此除飛飭該員等將已獲要犯牢固  
禁守其未獲有名各犯迅即多撥兵壯加緊跟捕  
務獲解報不許踈縱仍恐接壤之達州長壽等處

俱係山箐相連賊犯兔脫又飛令各該地方文武  
選撥兵役協同查捕俟擒解至日另行嚴訊確情  
分別首從定擬具

題外所有據稟拏獲姦匪情由合先繕摺奏  
聞伏祈

皇上睿鑒謹

奏

此奏嘉是覽之汝等督撫大吏但肯留心地方稽察姦

究剗鋤匪類朕復何慮之有須竭力窮究務盡根株毋  
或稍存將就省事之念

雍正十二年正月十七日四川總督

臣

黃廷桂工

部尚書暫理四川巡撫事務

臣

憲德謹

奏為奏

聞事竊查大竹縣妖言惑衆一案

臣

等初次據稟拏獲

文興貴等一千姦匪尚有朱洪等要犯未獲等情

隨即一面繕摺奏

聞一面飛飭查拏去後續據鄰水大竹二縣文武報稱  
要犯夏佐五及黨惡馮帝欽并朱洪等家屬俱經  
拏獲又據重慶府知府顧贊順慶府同知管臚傳  
遊擊劉應標節次呈報於十二月內將首犯朱洪  
陳心儀王來聘文射斗周老九等全行拏獲各等  
情前來臣等伏查此案首從各犯既經全獲隨行  
令按察司即速轉飭多撥兵役分起嚴押赴省另  
審確情究擬具

嚴

審造謀立意根由臣母容絲毫姑息  
題外至兵役人等臣母容絲毫姑息等現在飭查重賞以示鼓勵所

有首從各犯全獲緣由理合恭摺奏

聞伏祈

睿鑒謹

奏

此案匪犯不旋踵而全獲甚屬可嘉各員役等應重加  
獎賞示勸

雍正十二年二月十二日四川總督臣黃廷桂謹

奏為據實奏

聞仰祈

睿鑒事竊

臣

據重慶鎮

臣

吳正揭報中軍遊擊劉敬欺

上凌下無所弗為或扣剋馬價或私換營馬或借

端攤派與夫侵蝕銀米勒索屬員蠻女非理酷責

兵丁私餽希圖卸過種種貪劣難以罄書守備何

正國前既畏威未舉今猶懼勢不言亦難辭咎等

因開揭請叅到

臣

查劉敬據調任鎮

臣

馬義路

過成都與

臣

面晤之時極稱劉敬實心辦事操守

頗好

臣

又詢之同城道府各官均言其居官甚好

夫當新鎮莅任之初即素行不端之員亦必自知

收斂何竟任意貪劣且

臣

聞得該鎮之與劉敬因

到任接遲索馬未送頗有不睦之說而劉敬為人

又素性粗慝平日與鎮署管頭稿房人等俱不相

合恐有乘機排擠之弊

臣

不敢隨聲附和草率列

疏是以檄行兩司轉飭重慶府立即嚴訊確情據

實詳報如有瞻徇一併糾叅等因在案但

臣復經

密訪該鎮暗令各營招告疵求續揭俟有續揭到

時

臣

一併發司嚴訊如所揭各款但有一二實在

可憑者

臣

即將劉敬嚴叅請

旨究治不敢姑縱所有

臣

據揭發審未敢即行

題叅緣由理合繕摺奏

聞伏祈

聖鑒謹



奏

覽所奏情節朕不便懸定是非大抵此等事件總以秉公持平為主其間稍涉纖毫私念將來必為己身之累也

雍正十二年九月初二日四川總督

臣黃廷桂四

川巡撫

臣

鄂昌謹

奏為恭報秋禾收成分數事竊川省自夏秋以來雨暘時若早禾久經收穫晚禾亦已登場據布政司

據各屬呈報彙冊造送前來除松潘一廳鹽源等  
四州縣不產秋禾外其餘各屬收成十分者共九  
十廳州縣衛所九分者共四十六廳州縣司合計  
通省收成有九分以上當此萬寶告成之際百姓  
俱有蓋藏地方亦甚寧謐此皆我

皇上敬勤昭格之所致也理合恭

奏謹將各屬收成分數另摺敬呈

御覽伏祈

睿鑒謹

奏

收穫情形以手加額欣悅覽焉

同日又

奏為奏

聞事竊酉陽土司冉元齡父子濟惡暴虐貪淫經臣等

會疏

題叅竝議設流撫輯查酉陽地方緊要經理需員隨

委成都通判耿壽平星馳署理酉陽司事一面檄  
行黔彭營遊擊挑選健兵五十名委該營署守備  
劉紫衿會同赴司彈壓一面委令川東道陸賜書  
前往周巡踏勘相度地方形勢將作何設營分汛  
設官分理各事宜悉心商酌詳報去後茲據委員  
耿壽平稟稱職等於八月初六日抵黔江縣即有  
司屬之上際容坪二里百姓聞信踴躍齊集二三  
百人照酉陽司舊規到縣聽候差使初八日到酉

陽紳士土民客商等扶老攜幼羣出遠迎歡呼  
載道又節據川東道陸賜書等稟稱八月十四日  
抵司司屬人等遠來迎接人人稱誦雲開見日隨  
有各里頭人百姓紛紛投遞烟戶冊籍并地壩平  
茶邑梅石耶四土司楊勝鈞等陸續來見獻圖繳  
印咸稱情願改土歸流共樂昇平等語臣等伏思  
酉陽百姓被土司殘虐積怨已深仰戴

天朝傾心向化亦非一日今聞改歸如出湯火其踴躍

歡呼具見中心悅服至地壩等四土司久欲內附  
今委員一到即便獻圖繳印亦屬傾誠除酉陽土  
司冉元齡等按名拏解審擬并建設文武官兵各  
事宜俟該道議詳到日臣等悉心妥酌另行請  
旨外所有酉陽各地方民情歡悅并地壩等四土司呈  
懇歸流緣由合先繕摺奏

聞伏祈

皇上睿鑒謹

奏

覽奏知道了慎厥終惟其始諸凡建設事宜極當周詳計慮稍涉疎忽致貽罅隙日後責有攸歸也

雍正十二年十一月二十一日四川總督

臣黃廷

桂謹

奏為奏

聞事據署成都城守營叅將李文秀稟據署右營左哨千總張宏仁稟據右營馬兵金寬稟稱十月二十

一日小的因操點回家路過什祁堂後小巷內拾得小布包一箇內有紙包紋銀四兩七錢上有龐秀名字小的隨在巷內喊叫並無人承認後遇撫標兵丁董國仁小的將拾得銀兩告知據董國仁云龐秀係撫標右營出師兵丁小的遂託其寄信龐秀家下前來相認又恐有冒認之處因將所拾銀兩呈繳伏乞發給等情據此查龐秀實係撫標右營兵丁因出師在外伊妻蕭氏領取餉銀回家



在路遺失遂傳喚蕭氏詢其所失銀兩數目相符  
隨將銀兩發給領回等情轉稟到臣據此臣隨傳  
喚兵丁董國仁等詢問緣由其遺銀還銀之處俱  
與所稟無異竊川省為邊遠之區金寬一貧窮之  
卒而克敦古道不拾遺金仰見

聖德覃敷普天服教雖荷戈微賤亦知禮讓相先也除  
將兵丁金寬獎賞外理合恭摺奏

聞伏祈

欽定四庫全書

碑誌諭旨

卷一百一十八

夫

皇上睿鑒謹

奏

兵卒雖微拾金雖少但行伍之中能如是顧惜廉恥不昧本心即屬難得應超拔千總以敦義讓之風

雍正十三年五月十一日四川總督

臣

黃廷桂四

川巡撫

臣

楊嗣謹

奏為恭報夏熟收成分數事竊查川省今歲雨暘時若夏熟豐收據布政使實啓瑛將各屬收成分數

分晰具報前來查十分者三十八州縣一廳二衛  
四所五司九分者八十一州縣一廳一司八分者  
九州縣統計收成有九分以上川民當此屢豐之  
後更獲麥秋共慶

天和均霑

聖澤再目今陰晴應候四郊甘霑時行高下田禾栽插  
已遍合并聲明謹將夏熟收成分數另繕清摺恭  
呈

御覽伏祈

睿鑒謹

奏

際斯盈寧之慶當益加凜畏更勉公忠試思川省屢蒙  
大佑頻賜豐年豈文武不和各立門戶排擠乖爭之風所  
能感召者耶若因此而自以為是任情肆念殊非所以  
仰答

大貺矣亟宜返躬內省倘有不慊於中極力改悔毋稍逡

巡

同日又

奏為奏

聞事竊

臣

等節據永寧道劉嵩齡永寧協副將馬化正

各稟稱聞得古州等處賊蠻作叛正在差探間隨

據護理重慶鎮印務叅將李文秀稟據駐防酉陽

署守備劉紫衿稟稱探得古州苗人作叛燒殺印

水司八弓等寨銅仁松桃現在抽調出兵有快役

陳祖華拘提人犯行至驛子灘路遇民人劉國正  
攜家奔走問其何往據云近日貴州沿河司東流  
井一帶居民為古州苗亂俱各搬逃今我這裏民  
戶連日聞信逃避只得隨衆避亂及行至臘撒溪  
見民人攜眷搬走者甚多各等情到臣據此臣等  
查古州之去永寧甚屬隔遠而與酉陽亦非連界  
但酉陽係新附苗疆其善後事宜於上年十二月  
內繕摺具

奏未准議覆故營汛尚未安設現在雖有文武官弁帶領兵役在彼彈壓地方料理民事誠恐無知土民聞風逃避互相煽惑致滋驚擾關係緊要查黔彭營兵丁于敬籌酉陽安設事宜案內請抽兵二

百名移駐新營

臣

等隨飭令護鎮李文秀即將該

營兵丁就近抽撥共足二百名

就近抽撥

先為添防酉陽交署備

防自

屬善舉

劉紫衿分布要隘小心稽察并令駐劄酉陽之文

員逐處曉諭土民各安耕業勿相輕避其鄰近黔

夫一婦失所方不忝封疆職任如果安撫綏勸令仍回故  
土不至流離失所竝將情形不時飛稟外所有據  
宜畧蜀雖遠朕自能鑒照勉之  
稟古州苗叛及撥兵協防酉陽各情由理合恭摺

奏

聞伏祈

皇上睿鑒謹

奏

覽



雍正十三年六月初八日四川總督

臣

黃廷桂四

川巡撫

臣

楊嗣謹

奏為奏

聞事竊

臣

等前據稟古州苗叛黔民驚避隨撥兵協防

酉陽一面繕摺奏

聞一面飭令接連黔界之文武員弁不時差探情形稟  
報去後嗣據署黔彭營遊擊陳錢浩署普安營遊  
擊李繼經叙永同知何培等節次稟稱探得逆苗

頭目包利枉利漢姦張九萬三人糾集苗衆於閏

四月侵犯勝秉施秉排哨等處殺傷官兵攻陷清

嗟此難民當飭令該地方官竭

溪餘慶等縣各處難民逃出約二萬餘口在鎮遠

力撫

恤母得膜外視之設或虛應故事致令饑填溝壑

玉屏等處經各府縣每人每日給糧穀三碗其接

則惟

汝等是問

近蜀界之大定鎮雄威寧畢節兵丁多半調去畢

上

天鑒觀於斯最切立大功獲大罪皆在我君臣自為之

節縣城池現招鄉兵看守檄調威寧所屬之阿底

也勉

之毋忽

土兵抗不應付且昭通一帶官兵晝夜隄防蠻人

前於大關路上搶奪鹽駝砍傷客民又昭通鎮屬

之恩德岡駐劄汎兵蠻人乘夜來劫兵民各被刀

傷等情到

臣

等據此伏查蠻人素習兇殘一處滋

事處處每多煽動今古苗悖逆而阿底土兵抗不  
應調烏蒙又似不安靜雖係差探稟報未盡確實

然與黔省連界之建昌永寧等處盡屬苗疆自應

預為防範隨寄字建昌鎮

臣

趙儒嚴飭所屬將弁

小心汛隘速選妥役分往凉山沿江接壤烏蒙處  
所躡看苗情至普安安阜二營內附未久所在皆

多派

番距米貼永善止隔一江尤關緊要

既思及此應

官兵以備不時調遣方保無虞

派守備一員千把總二員外委二員帶兵四百名

星往駐劄不但彈壓雷波涼山并可為米貼永善

一帶聲勢以安反側又龍場營管轄番蠻與威寧

畢節繡壤毗連亦應派千把總二員兵二百名赴

彼貼防其酉陽等處前已派兵二百名更恐新撫

之地不敷分防復加派兵丁一百名以資汛守并

飭各該文武員弁加意撫輯苗民謹慎地方勿致

煽惑滋擾仰副

皇上寧謐邊疆之至意惟是此項弁兵離汛遠防所需  
口糧力難自為備辦應請於駐劄之處如有官倉  
可以供支者照例每官兵日給食米一升其無官  
倉處所酌於附近採買運供以資飽騰所有據稟  
黔省苗民情形及臣等派兵協防緣由理合恭摺  
奏

聞伏候

皇上聖訓遵行謹

奏

汝等封疆大吏措置此等事件以不動聲色鎮靜慎密  
隱懷切勿稍涉急遽搖惑人心寄字趙儒亦令備悉朕  
意撥兵增汛驪看苗情各事務俱應從容不迫相機合  
宜倘露有張惶景象致起番蠻疑畏之心則大不可也

硃批諭旨卷二百十八下